



Broj: 01-07-10-51-223/2024  
Sarajevo, 30.9.2024. godine

Na osnovu člana 11. stav (5) Zakona o Visokom sudskom i tužilačkom vijeću Bosne i Hercegovine („Službeni glasnik BiH“, br. 25/04, 93/05, 48/07, 15/08 i 63/23) i člana 23. st. (3) i (4) a sve u vezi sa članom 25. st. (2) i (3) Zakona o slobodi pristupa informacijama na nivou institucija Bosne i Hercegovine („Službeni glasnik BiH“ broj 61/23), te člana 5. Pravilnika o postupanju po zahtjevu za pristup informacijama VSTV-a BiH 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Elvire Kučević, [REDACTED] od 12.9.2024. i 23.9.2024. godine predsjednik Visokog sudskog i tužilačkog vijeća Bosne i Hercegovine donosi

## ZAKLJUČAK

Zahtjev za pristup informacijama podnesen od strane Elvire Kučević od 12.9.2024. i 23.9.2024. godine **odbacuje se kao neuredan.**

## Obrazloženje

Elvira Kučević sa e-mail adresom [REDACTED] (u daljem tekstu: podnositeljica zahtjeva) je Visokom sudskom i tužilačkom vijeću Bosne i Hercegovine (u daljem tekstu: VSTV BiH/Vijeće) dana 12.9.2024. godine uputila elektronske poruke, koje su upućene istovremeno na više e-mail adresa, uključujući i e-mail adresu VSTV-a BiH, kojima je tražila određene nedefinisane informacije u vezi sa prijavom protiv M [REDACTED] B [REDACTED], te neodređene informacije u vezi sa imovinom sekretara nekog suda u Tuzli, S [REDACTED] H [REDACTED].

S tim u vezi, budući da su zahtjevima nedostajale informacije propisane članom 23. stav (3) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23; u daljem tekstu: Zakon), u skladu sa članom 25. stav (2) Zakona, podnositeljici zahtjeva upućen je poziv na ispravku, odnosno uređenje zahtjeva.

Podnositeljica zahtjeva je 23.9.2024. godine uputila ispravljeni zahtjev koji i dalje ne sadrži sve elemente propisane članom 23. stav (3), odnosno stav (4) Zakona, budući da isti ne sadrži informaciju o sjedištu organa kojem je upućena, adresa fizičkog lica je nepotpuna, te zahtjevu i dalje nedostaju podaci na osnovu kojih bi se moglo utvrditi o kojoj traženoj informaciji se radi.

Razmatrajući zahtjeve za pristup informacijama i sve relevantne činjenice u vezi sa ovim predmetom, Vijeće je donijelo odluku kao u dispozitivu ovog zaključka iz razloga što podnositeljica zahtjeva nije dostavila Vijeću ispravku svoga zahtjeva u skladu sa pozivom na ispravku VSTV-a BiH broj 01-07-10-51-219/2024 od 17.9.2024. godine, a na osnovu dostavljenog se ne može sa sigurnošću utvrditi o kojoj traženoj informaciji se radi.

Naime, zahtjevima od 12.9.2024. godine i dopunom zahtjeva od 23.9.2024. godine nedostaju mnogi elementi zahtjeva koji su kao obavezni propisani članom 23. stav (3) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23; u daljem tekstu: Zakon), posebno podaci koji su važni za prepoznavanje tražene

informacije u smislu, između ostalog, preciziranja pitanja koja su upućena VSTV-u BiH, što je detaljno navedeno i obrazloženo u gore navedenom pozivu za ispravku.

Imajući u vidu sve navedeno, odlučeno je kao u dispozitivu ovog zaključka.

**Pouka o pravnom lijeku:**

Protiv ovog zaključka podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.

Dostavljeno:

- podnositeljici zahtjeva
- a/a

